



২০২৪-২৫ অর্থবছরের জাতীয় বাজেট উপলক্ষ্যে বাজুস আয়োজিত সংবাদ সম্মেলনের লিখিত বক্তব্য

প্রাক-বাজেট সংবাদ সম্মেলন

৩ এপ্রিল ২০২৪

প্রিয় সাংবাদিক বন্ধুরা,

সারাদেশের প্রায় ৪০ হাজার জুয়েলারি প্রতিষ্ঠানের প্রাণের সংগঠন বাংলাদেশ জুয়েলার্স এসোসিয়েশন - বাজুস প্রেসিডেন্ট জনাব সায়েম সোবহান আনভীর সহ আমাদের সকল নেতৃবৃন্দের পক্ষ থেকে শুভেচ্ছা জানাচ্ছি।

আজকের সংবাদ সম্মেলনে উপস্থিত আছেন বাজুসের সাধারণ সম্পাদক বাদল চন্দ্র রায়, বাজুসের উপদেষ্টা রুহুল আমিন রাসেল, বাজুসের সহ-সভাপতি মাসুদুর রহমান, বাজুস স্ট্যান্ডিং কমিটি অন ট্যারিফ এন্ড ট্যাক্সেশনের চেয়ারম্যান ও কার্যনির্বাহী সদস্য আনোয়ার হোসেন, বাজুস স্ট্যান্ডিং কমিটি অন ট্যারিফ এন্ড ট্যাক্সেশনের সদস্য সচিব ও কার্যনির্বাহী সদস্য পবন কুমার আগরওয়াল, বাজুস স্ট্যান্ডিং কমিটি অন রিসার্চ এন্ড ডেভেলপমেন্টের সদস্য সচিব তাসনিম নাজ মোনা।

প্রিয় সাংবাদিক বন্ধুরা,

জাতির পিতা বঙ্গবন্ধু শেখ মুজিবুর রহমানের সোনার বাংলা বিনির্মাণে ও তার সুযোগ্য কন্যা শেখ হাসিনার ভিশন-২০৪১ সফল করতে বাংলাদেশ জুয়েলার্স এসোসিয়েশন-বাজুস সর্বদা সচেষ্ট। মাননীয় প্রধানমন্ত্রী শেখ হাসিনার সুযোগ্য নেতৃত্ব ও বুদ্ধিদীপ্ত দূরদৃষ্টির কারণে আজকের বাংলাদেশ স্বয়ংসম্পূর্ণ হতে চলেছে।

সরকারের সাফল্য যাত্রায় অংশীজন হতে চেষ্টা করছে বাজুস। কিন্তু অত্যন্ত পরিতাপের বিষয়, জুয়েলারি শিল্প সম্পর্কিত 'স্বর্ণ নীতিমালা-(২০১৮) সংশোধিত-২০২১' সংশোধনের ৩ বছর পরেও বাস্তবায়ন হয়নি। অসম শুল্ক-কর কাঠামো, প্রাথমিক কাঁচামাল ও মেশিনারিজ আমদানীতে কালক্ষেপণ ও অতিরিক্ত শুল্কব্যয়, সঠিক নীতিমালার অভাব এই খাতকে দেশীয় অর্থনীতি থেকে পশ্চাৎপদেই ধাবিত করেছে।

সরকারের পক্ষ থেকে বারবার বৈধ পথে সোনার বার, কয়েন ও সোনার অলংকার তৈরি ও রপ্তানিতে উৎসাহ প্রদান করা হবে বলা হলেও, এই খাত সংশ্লিষ্ট কাঁচামাল ও মেশিনারিজ আমদানীর উপর অসম শুল্ক হারের বোঝা চাপিয়ে দেয়া হয়েছে। সেই সাথে স্থানীয় শিল্পের উপর রয়েছে ৫ শতাংশ ভ্যাট এবং উদ্যোক্তাদের উপর চাপিয়ে দেয়া হয়েছে অপরিকল্পিত উৎসে কর হারের বোঝা। অথচ এই খাতটি রপ্তানি আয় ও রাজস্ব আহরণে হতে পারত সরকারের অন্যতম আস্থার খাত।

অপরিকল্পিত আমদানী শুল্ক-কর হার, শুল্ক-কর রেয়াত এবং কাঠামোগত শুল্ক ও শিল্পবান্ধব নীতি প্রণয়নে সরকারের সংশ্লিষ্ট দপ্তরের উদাসীনতা জুয়েলারি শিল্পকে পিছিয়ে দিয়েছে। ফলে ২ লাখ কোটি টাকার স্থানীয় সোনার বাজার দেশের অর্থনীতির উন্নয়নে সফলভাবে অবদান রাখতে পারছে না।

এই সঙ্কট উত্তোরণে বিশ্ববাজারে বাংলাদেশকে প্রতিযোগিতায় সক্ষম করতে এবং জুয়েলারি শিল্পের উন্নয়নে মাননীয় প্রধানমন্ত্রী শেখ হাসিনার সরাসরি হস্তক্ষেপ প্রয়োজন। পাশাপাশি আমদানি ও রপ্তানি পর্যায়ে শুল্ক-কর ও স্থানীয় বাজারে ভ্যাট কমাতে হবে। সোনা খাতের ভৌত ও অবকাঠামোগত উন্নয়নের ক্ষেত্রে সহায়ক নীতিমালা প্রণয়ন এবং বাস্তবায়ন করতে হবে। এতে যেমন সোনা খাতকে শিল্প হিসাবে প্রতিষ্ঠিত করা যাবে। তেমনি রাজস্ব আয় বৃদ্ধির পাশাপাশি সরকারের রপ্তানি আয়ের লক্ষ্যমাত্রা অর্জনে গুরুত্বপূর্ণ ভূমিকা পালন করবে।



এ সব বিষয় বিবেচনায় নিয়ে আগামী ২০২৪-২৫ অর্থবছরের জাতীয় বাজেটে অন্তর্ভুক্তির লক্ষ্যে ১৫ টি প্রস্তাব উপস্থাপন করছে বাজুস।

ভ্যাট প্রস্তাবনা

প্রস্তাবনা-১

বর্তমানে জুয়েলারি ব্যবসার ক্ষেত্রে সোনা, সোনার অলংকার, রূপা বা রূপার অলংকার বিক্রির ক্ষেত্রে আরোপিত ভ্যাট হার ৫ শতাংশ থেকে কমিয়ে ৩ শতাংশ করা হোক।

বর্তমানে মূল্যস্ফীতি এবং ডলারের বিনিময় মূল্যের কারণে ১১ দশমিক ৬৬৪ গ্রাম (১ ভরি) সোনার অলংকার কিনতে প্রায় ১,১৪,০৭৩/- (২১ মার্চ, ২০২৪ এর তথ্য অনুসারে) টাকা লাগে। এর সাথে বাজুস নির্ধারিত নূন্যতম মজুরী ৩,৪৯৯/- টাকা এবং ৫ শতাংশ ভ্যাট ৫,৮৭৮/- টাকা যোগ করলে মোট মূল্য দাঁড়ায় ১,২৩,৪৫০/- টাকা। বাংলাদেশে প্রতি ভরিতে ভ্যাট দিতে হয় ৫,৮৭৮/- টাকা অন্যদিকে ভারতে সমপরিমাণ সোনা কিনতে ৩ শতাংশ হারে বা ৩৪৩৬/- টাকা ভ্যাট দিতে হয়। যার প্রভাব সোনার অলংকার ক্রয় ও বিক্রয়ের ক্ষেত্রে সুস্পষ্ট বিদ্যমান। অথচ বাংলাদেশের অলংকার শিল্পের অপার সম্ভাবনা আছে। ভ্যাট আহরণে আগামী দিনে সরকারের একটি বড় খাত হতে পারে জুয়েলারি শিল্প। এক্ষেত্রে ক্রেতাদের কাছে সহনীয় আকারে ভ্যাট নির্ধারণ করা জরুরি।

বাজুস মনে করে- সোনার অলংকার বিক্রয়ের ক্ষেত্রে ভ্যাট হার ৫ শতাংশের পরিবর্তে ৩ শতাংশে নামিয়ে আনা দরকার। এতে সোনা খাত থেকে সরকার প্রতি বছর প্রায় ১ হাজার কোটি টাকা রাজস্ব আহরণ করতে পারবে।

ভ্যাট হার নির্ধারণের ক্ষেত্রে মনে রাখতে হবে আমাদের ক্রেতারা যেন বিদেশ ভ্রমণে গিয়ে অলংকার ক্রয়ে নিরুৎসাহিত হয়। এখানে উল্লেখ্য যে, বিভিন্ন সময়ে উচ্চবিত্তদের একটা বড় অংশই বিদেশে গিয়ে অলংকার ক্রয় করে থাকেন। এতে একদিকে যেমন দেশের অর্থ বিদেশে চলে যায় অন্যদিকে সরকার প্রত্যাশিত রাজস্ব থেকে বঞ্চিত হচ্ছে। আবার দেশে যারা কেনাকাটা করেন অধিকাংশ ক্ষেত্রে উচ্চ কর হারের কারণে ভ্যাট প্রদানে অনীহা প্রকাশ করে থাকে। এতে ব্যবসায়ীরা বিপাকে পড়েন।

প্রস্তাবনা-২

EFD Machine যতো দ্রুত সম্ভব নিবন্ধনকৃত সকল জুয়েলারী ব্যবসা প্রতিষ্ঠানে বিতরণ করতে হবে।

সরকার কর্তৃক বিভিন্ন জুয়েলারি প্রতিষ্ঠানে EFD Machine বসানোর উদ্যোগ গ্রহণের জন্য বাংলাদেশ সরকারকে বাজুসের পক্ষ থেকে সাধুবাদ জানাচ্ছি। কিন্তু যে সকল জুয়েলারি প্রতিষ্ঠানে এখনো EFD Machine বসানো হয় নাই, সেই সকল জুয়েলারি প্রতিষ্ঠানে EFD Machine বসানো জরুরি।

সারাদেশের প্রায় ৪০ হাজার জুয়েলারি প্রতিষ্ঠানে EFD Machine বসানো হলে সরকার বিপুল পরিমাণে রাজস্ব আয় করতে পারবে। ব্যবসার ক্ষেত্রেও সমতা আসবে।

শুষ্ক প্রস্তাবনা

প্রস্তাবনা-৩

অপরিশোধিত স্বর্ণ আকরিক (Gold Ore) এর ক্ষেত্রে আরোপিত সিডি ৫ শতাংশ থেকে কমিয়ে আমদানী শুষ্ক শর্তসাপেক্ষে আইআরসি ধারী এবং ভ্যাট কমপ্লায়েন্ট শিল্পের ক্ষেত্রে পৃথক প্রজ্ঞাপনের মাধ্যমে শুধুমাত্র জুয়েলারি খাতের জন্যে রেয়াতি হারে ১ (এক) শতাংশ নির্ধারণ করার প্রস্তাব করছে বাজুস।

দেশের সোনার চাহিদা পূরণ করার স্বার্থে গোল্ড রিফাইনারী শিল্পের যাত্রা শুরু হয়েছে। এটি একটি ভ্যাট নিবন্ধনকারী শিল্প এবং একটি অতি গুরুত্বপূর্ণ এবং সংবেদনশীল শিল্প। দেশের চাহিদা শুধু নয় বিদেশে রপ্তানি করার পরিকল্পনা নেয়া হয়েছে। Gold Ore আমদানি করার যদি সঠিক সুযোগ দেয়া হয় যেমন: সরকার কর্তৃক আরোপকৃত শুষ্ককর ৫



শতাংশের পরিবর্তে যদি ১ শতাংশ করা হলে সোনা চোরাচালান বন্ধ হবে। সরকার অধিক রাজস্ব আহরণ করতে পারবে। আমদানিকারকগণ পরিশোধন পরবর্তী আন্তর্জাতিক মূল্যে ব্যবসায়ীদের কাছে Pure Gold পৌঁছে দিতে পারবেন। এর ফলে দেশের বাজারে সোনার মূল্য আন্তর্জাতিক সোনার মূল্যের সাথে সমন্বয় করে স্থানীয় জুয়েলারী ব্যবসায়ীরা ব্যবসা পরিচালনা করতে সক্ষম হবেন। যার ফলশ্রুতিতে ক্রেতা সাধারণ সোনার অলংকার ক্রয়ের স্থানীয় বাজার থেকে আন্তর্জাতিক বাজার মূল্যে সোনার অলংকার ক্রয়ে উৎসাহিত হবেন এবং মানি লন্ডারিং অনেকাংশে কমে আসবে। তাই বিষয়টা বিবেচ্য।

প্রস্তাবনা-৪

আংশিক পরিশোধিত স্বর্ণ (Gold Dore) এর ক্ষেত্রে সিডি ১০ শতাংশের পরিবর্তে আই আর সি ধারী এবং ভ্যাট কমপ্লায়েন্ট শিল্পের জন্য শুল্ক হার ৫ শতাংশ করা হোক।

Gold Dore এর ক্ষেত্রে বর্তমানে সরকার কর্তৃক আরোপকৃত শুল্ককর ১০ শতাংশ বহাল আছে। এর পরবর্তীতে যদি বাজুসের দাবিকৃত শুল্ককর Gold Dore ৫ শতাংশ করা হয় তবে আমদানিকারকগণ পরিশোধন পরবর্তী আন্তর্জাতিক মূল্যের ভিত্তিতে দেশের ব্যবসায়ীদের কাছে Pure Gold পৌঁছে দিতে পারবেন।

এর সাথে বাংলাদেশে সোনার মূল্য বহির্বিদেশ থেকে পদ্ধতিগত কারণে বেশি হওয়াতে ক্রেতা সাধারণ দেশের বাজার থেকে সোনার অলংকার ক্রয়ে নিরুৎসাহিত হয়ে বিদেশ থেকে সোনার অলংকার কিনে আনছেন। এ কারণে যে পরিমাণ ডলার দেশের বাইরে চলে যাচ্ছে তা দেশের অর্থনীতির জন্যে হুমকিস্বরূপ। তাই সরকারের পৃষ্ঠপোষকতা, পরিকল্পনা ও শুদ্ধনীতি পরিবর্তনের মাধ্যমে Gold Dore আমদানির সুযোগ সৃষ্টি করাই হবে দেশের অর্থনৈতিক উন্নয়নের চাবিকাঠি।

প্রস্তাবনা-৫

সোনা পরিশোধনাগার শিল্পের কাঁচামাল হিসেবে সোনার বর্জ্য (Concentrated Ore) ব্যবহারের জন্য প্রস্তাবিত শুল্ক হার নির্ধারণ করার প্রস্তাব করছি।

| বর্তমান হার | প্রস্তাবিত হার |
|-------------|----------------|
| CD - 5 | CD - 1 |
| RD - 0 | RD - 0 |
| SD - 0 | SD - 0 |
| VAT-15 | VAT- 0 |
| AT- 5 | AT- 0 |
| AIT- 5 | AIT- 0 |

সোনা পরিশোধনাগার শিল্পের কাঁচামাল হিসেবে সোনার বর্জ্য (Concentrated Ore) ব্যবহারের জন্য শর্তসাপেক্ষে ১ শতাংশ শুল্ক দিয়ে আনার সুযোগ দিলে এ শিল্পের কাঁচামালের যোগান নিরবিচ্ছিন্ন থাকবে। ফলে এ শিল্প ব্যাপকভাবে প্রসারিত হবে।

প্রস্তাবনা-৬

হীরা কাটিং এবং প্রক্রিয়াজাত করণের উদ্দেশ্যে যথাযথ কর্তৃপক্ষ কর্তৃক অনুমোদিত প্রতিষ্ঠান দ্বারা আমদানিকৃত রাফ ডায়মন্ডের (Rough Diamond) প্রস্তাবিত শুল্ক হার নির্ধারণ করার প্রস্তাব করছি।



| বর্তমান হার | প্রস্তাবিত হার |
|-------------|----------------|
| CD - 25 | CD - 02 |
| SD - 20 | SD - 00 |
| VAT - 15 | VAT - 5 |
| AIT - 5 | AIT - 0 |
| RD - 3 | RD - 0 |
| AT - 5 | AT - 3 |

প্রস্তাবনা অনুযায়ী অমসূন হীরা আমদানির ক্ষেত্রে শুল্ক হ্রাস করা হলে এদেশের ডায়মন্ড শিল্প বিকশিত হবে। যার ফলে শুল্ক কমানো হলে হীরক খচিত অলংকার দেশীয় বাজারের চাহিদা মিটিয়ে বিদেশে রপ্তানি করে প্রচুর বৈদেশিক মুদ্রা অর্জন করা সম্ভব হবে।

প্রস্তাবনা-৭

বহির্বিদেশের সাথে তাল মিলিয়ে আমাদের জুয়েলারি শিল্পের আধুনিকায়ন প্রয়োজন। বিশ্বের অন্যান্য দেশের মতো আমাদের পার্শ্ববর্তী দেশগুলোতেও Lab Grown Diamond এর বাজার বিস্তার লাভ করছে। বর্তমানে ভারতে Lab Grown Diamond এর বাজার প্রায় ২ হাজার কোটি টাকা সম পরিমাণের এবং দিন দিন এই অংক বেড়ে যাচ্ছে। তাই বাজুস Lab Grown Diamond এর H.S Code (7104.21.10) অন্তর্ভুক্ত করার পাশাপাশি প্রস্তাবিত শুল্ক হার নির্ধারণ করার প্রস্তাবনা প্রদান করছে।

| বর্তমান হার | প্রস্তাবিত হার |
|-------------|----------------|
| CD - 5 | CD - 02 |
| SD - 0 | SD - 0 |
| VAT - 15 | VAT - 10 |
| AIT - 5 | AIT - 5 |
| RD - 0 | RD - 0 |
| AT - 5 | AT - 3 |

Diamond এর উর্ধ্বমূল্যের কারণে কিছু অসাধু ব্যবসায়ী ক্রেতার বিশ্বাসের সুযোগ নিয়ে ঠকিয়ে মোজানাইট, জার্কান পাথরের মতো নিম্নমানের পাথরকে Diamond বলে চালিয়ে দিচ্ছে।

Lab Grown Diamond কে পরিবেশ বান্ধব ডায়মন্ড বলা হয়। পাশাপাশি Lab Grown Diamond তৈরিতে প্রকৃতি প্রদত্ত Diamond এর বীজ প্রয়োজন। তাই এই ডায়মন্ডের গাঠনিক বৈশিষ্ট্য পুরোপুরি প্রকৃতি প্রদত্ত ডায়মন্ডের মতো হয়ে থাকে। এটা মানুষের তৈরী হওয়ার কারণে এর প্রকৃতি প্রদত্ত ডায়মন্ড থেকে প্রায় ৫০-৭০ শতাংশ মূল্য কম হয়ে থাকে। Lab Grown Diamond এর আন্তর্জাতিক বাজার আন্তে আন্তে বিস্তার লাভ করছে। এখনই সময় বাংলাদেশে Lab Grown Diamond এর আমদানীর সুযোগসহ বিভিন্ন সুবিধাদি প্রদান করা। যাতে পরবর্তীতে বিশ্ব দরবারে বাংলাদেশ নিজেকে অপ্রতিদ্বন্দ্বী শক্তি হিসাবে প্রতিষ্ঠিত করতে পারবে।

প্রস্তাবনা-৮

বৈধ পথে মসূন হীরা আমদানীতে উৎসাহিত করার উদ্দেশ্যে যথাযথ কর্তৃপক্ষ কর্তৃক অনুমোদিত প্রতিষ্ঠান দ্বারা আমদানীকৃত মসূন হীরা (Polished Diamond) ৪০ শতাংশ Value Addition করার শর্তে প্রস্তাবিত শুল্ক হার নির্ধারণ করার প্রস্তাব করছি।



| বর্তমান হার | প্রস্তাবিত হার |
|-------------|----------------|
| CD - 25 | CD - 25 |
| RD - 3 | RD - 03 |
| SD - 60 | SD - 20 |
| VAT - 15 | VAT - 15 |
| AT- 5 | AT - 5 |
| AIT- 5 | AIT - 5 |

এদেশের হীরার চাহিদার শতকরা ১০০ ভাগই বিদেশ থেকে আসে। যার ফলে প্রচুর পরিমাণ দেশীয় মুদ্রা বিদেশে চলে যাচ্ছে। বৈধ পথে মসূন হীরা আমদানিকে উৎসাহিত করার উদ্দেশ্যে সকল ধরনের শুল্ক কর সহনীয় পর্যায়ে নির্ধারণ করা হলে সরকারের রাজস্ব আয় বাড়বে। আবার ভবিষ্যতে হীরার অলংকার রপ্তানির সম্ভাবনাও তৈরি হবে।

আয়কর প্রস্তাবনা

প্রস্তাবনা-৯

আয়কর আইন ৪৬-(বিবি)(২) ধারার অধীনে Gold Refinery বা স্বর্ণ পরিশোধনাগার শিল্পে ১০ বছরের জন্য কর অবকাশ বা ট্যাক্স হলিডে প্রদানের প্রস্তাব করা হলো।

দক্ষিণ এশিয়ার দেশগুলোর মধ্যে বাংলাদেশে সর্ব প্রথম সোনা পরিশোধনাগার স্থাপন করতে যাচ্ছে। বিশ্ব বাজারে আর কিছু দিন পর রপ্তানি হবে 'মেইড ইন বাংলাদেশ' সম্বলিত সোনার বার। যা সোনা শিল্পকে এগিয়ে নেয়ার ক্ষেত্রে আন্তর্জাতিক বাজারের পাশাপাশি স্থানীয় বাজারে বড় ভূমিকা পালন করবে। 'স্বর্ণ নীতিমালা-২০১৮ (সংশোধিত-২০২১)' এর ৯.৩ উপধারায় বর্ণিত আছে 'বৈধভাবে স্বর্ণালঙ্কার, স্বর্ণবার, স্বর্ণ কয়েন রপ্তানি উৎসাহিত করতে রপ্তানিকারকদেরকে স্বর্ণালঙ্কার, স্বর্ণবার, স্বর্ণ কয়েন তৈরীর কাঁচামাল আমদানীর ক্ষেত্রে রেয়াতসহ বিভিন্ন প্রকারের প্রণোদনামূলক বিশেষ সহায়তা প্রদান করা হবে। কিন্তু এই পরিশোধনাগারের জন্য প্রয়োজনীয় যন্ত্রপাতির শুল্ক কর ৩০-৬০ শতাংশ, অন্যান্য দেশের তুলনায় অনেক বেশী। যার কারণে প্রাথমিক উৎপাদন ব্যয় অনেক বেড়ে যায়। তাই এই পরিশোধনাগারকে Cost Effective করার লক্ষ্যে কর অবকাশ বড় ভূমিকা পালন করবে।

প্রস্তাবনা-১০

সোনার অলংকার প্রস্তুত করার উদ্দেশ্যে আমদানিকৃত কাঁচামাল ও মেশিনারিজের ক্ষেত্রে সকল প্রকার শুল্ক কর অব্যাহতি প্রদান সহ ১০ বছরের ট্যাক্স হলিডে প্রদানের প্রস্তাব করা হলো।

আন্তর্জাতিক বাজারের চেয়ে আমাদের স্থানীয় বাজারে সবসময় সোনার মূল্য ১১ দশমিক ৬৬৪ গ্রাম বা ভরি প্রতি ৮-১০ হাজার টাকা বেশি হয়ে থাকে। যার অন্যতম কারণ কাঁচামাল ও মেশিনারিজ আমদানিতে অসহনীয় শুল্ক হার। 'স্বর্ণ নীতিমালা-২০১৮ (সংশোধিত-২০২১)' এর ৯.৮ উপধারায় বর্ণিত আছে 'হস্তনির্মিত ও মেশিনে তৈরী অলংকার রপ্তানির ক্ষেত্রে বিশেষ প্রণোদনা সুবিধা প্রদান করা হবে।' উক্ত ধারার আলোকে ভোক্তা সুবিধা প্রদান ও মূল্য সমন্বয়ের ক্ষেত্রে বাজুস উল্লেখিত প্রস্তাবনার প্রণোদনার দাবি জানাই।

প্রস্তাবনা-১১

আয়কর আইন, ২০২৩ এর ১৪০ (৩) (ক) ধারা অনুযায়ী উৎসে কর কর্তনের দায়িত্ব প্রাপ্ত "নির্দিষ্ট ব্যক্তি" এর আওতায় দেশের জুয়েলারি শিল্প সংশ্লিষ্ট ব্যক্তি বা প্রতিষ্ঠানকে কর-অব্যাহতি প্রদানের দাবি জানাচ্ছে বাজুস।

সোনা একটি মূল্যবান ধাতু এবং আন্তর্জাতিকভাবে বিনিময়যোগ্য হওয়ায় এর মূল্য সবসময় আন্তর্জাতিক বাজার দরের সাথে সমন্বয় করে নির্ধারণ করা হয়। যার ফলে পরিমাপগত লেনদেনের বিপরীতে আর্থিক মূল্যমানের পরিমাণ অনেক বেশী হয়ে



থাকে। পাশাপাশি এই ধাতুর পুনঃবিক্রয়যোগ্য বৈশিষ্ট্য থাকার কারণে স্থানীয় ক্রেতাদের সঞ্চয় ও স্পিড-মানির অন্যতম অবলম্বন হিসাবে বিবেচিত হয়ে থাকে।

অন্যদিকে স্থানীয় জুয়েলারি শিল্পের সোনার অন্যতম উৎস পরিশোধনকৃত পুরাতন সোনা। এমতাবস্থায় জুয়েলারি শিল্প সংশ্লিষ্ট ব্যক্তি এবং প্রতিষ্ঠানের উপর প্রবর্তিত উৎসে করের ভুক্তভোগী হবে শুধুমাত্র শিল্প সংশ্লিষ্ট ব্যবসায়ীরাই। কারণ সোনার মূল্যমান অনেক বেশী হওয়ায় বাৎসরিক লেনদেনের সর্বশেষ হিসাব মতে উৎসে করের সর্বোচ্চ করহারের আওতায় পড়বে জুয়েলারি ব্যবসায়ীগণ।

এমতাবস্থায় এই অপরিকল্পিত উৎসে কর প্রবর্তনের কারণে সোনা শিল্প সংশ্লিষ্ট ব্যবসায়ীদের মুনাফার হার খুবই সংকোচিত হয়ে যাবে। অন্যদিকে ব্যবসায়িক মুনাফা ধরে রাখার লক্ষ্যে স্থানীয় ব্যবসায়ীগণ সোনার মূল্যের সাথে উৎসে করের হার সমন্বয় করতে বাধ্য হবে। ফলশ্রুতিতে জুয়েলারি পণ্যের স্থানীয় বাজারমূল্য বর্তমান মূল্যের থেকে প্রায় ৮-১০ হাজার টাকা বেশী হবে।

ফলস্বরূপ দেখা যাবে স্থানীয় জুয়েলারি শিল্প ধ্বংস হয়ে যাবে এবং ক্রেতা সাধারণ দেশের বাইরে থেকে জুয়েলারি পণ্য কিনতে অধিক উৎসাহিত হবে। মাননীয় প্রধানমন্ত্রীর ভিশন-২০৪১ বাস্তবায়নের লক্ষ্যে সোনা খাত নিয়ে যে পরিকল্পনা প্রণয়ন করেছিলেন তা এই অপরিকল্পিত উৎসে করের কারণে মুখ খুবড়ে পড়বে।

বিশেষ প্রস্তাবনা

প্রস্তাবনা-১২

‘স্বর্ণ নীতিমালা-২০১৮ (সংশোধিত-২০২১)’ এর ৮.২ উপধারার অনুসারে ব্যাগেজ রুল সংশোধনের মাধ্যমে পর্যটক কর্তৃক সোনার বার আনা বন্ধ করা এবং ট্যাক্স ফ্রী সোনার অলংকারের ক্ষেত্রে ১০০ গ্রামের পরিবর্তে সর্বোচ্চ ৫০ গ্রাম করার প্রস্তাবনা করা হচ্ছে।

এক্ষেত্রে একটি আইটেমের জুয়েলারি পণ্য দুইটির বেশি আনা যাবে না এবং পার্শ্ববর্তী দেশগুলোর সাথে ব্যাগেজ রুলের সমন্বয় করার দাবি জানাচ্ছি।

একই সঙ্গে একজন যাত্রী বছরে শুধুমাত্র একবার ব্যাগেজ রুলের সুবিধা নিতে পারবে। এই প্রস্তাব বিবেচনা করা হোক।

ব্যাগেজ রুলের আওতায় সোনার বার ও অলংকার আনার সুবিধা অপব্যবহারের কারণে ডলার সংকট, চোরাচালান ও মানি লন্ডারিং-এ কী প্রভাব পড়ছে তা নিরূপনে বাজুসকে যুক্ত করে যৌথ সমীক্ষা পরিচালনা করার প্রস্তাব করছি।

বাজুসের প্রাথমিক ধারণা- প্রবাসী শ্রমিকদের রক্ত-ঘামে অর্জিত বৈদেশিক মুদ্রার অপব্যবহার করে প্রতিদিন সারাদেশের জল, স্থল ও আকাশ পথে কমপক্ষে প্রায় ২০০ কোটি টাকার অবৈধ সোনার অলংকার ও বার চোরাচালানের মাধ্যমে বাংলাদেশে আসছে। যা ৩৬৫ দিন বা একবছর শেষে দাঁড়ায় প্রায় ৭৩ হাজার কোটি টাকা। দেশে চলমান ডলার সংকটে এই ৭৩ হাজার কোটি টাকার অর্থপাচার ও চোরাচালান বন্ধে সরকারকে উদ্যোগ নিতে হবে।

এমন পরিস্থিতিতে সোনার বাজারে অস্থিরতা ছড়িয়ে দিয়েছে চোরাকারবারিদের দেশি-বিদেশি সিডিকেট। কৃত্রিম সংকট তৈরি করে প্রতিনিয়ত স্থানীয় পোদ্ধার বা বুলিয়ন বাজারে সোনার দাম বাড়ানো হচ্ছে। পোদ্ধারদের সিডিকেটের কাছে জিম্মি হয়ে পড়েছে সোনার পাইকারি বাজার। পোদ্ধারদের সঙ্গে চোরাকারবারিদের সিডিকেটের গভীর সম্পর্ক রয়েছে। যার কারণে কৃত্রিম সংকট তৈরী করে স্থানীয় পোদ্ধার বা বুলিয়ন বাজারে সোনার দাম বাড়ানো হচ্ছে।

এমতাবস্থায় ‘স্বর্ণ নীতিমালা-২০১৮ (সংশোধিত-২০২১)’ এর ৮.০ ধারায় স্বর্ণবার ও স্বর্ণালঙ্কারের অনানুষ্ঠানিক আমদানি নিরুৎসাহিত করার কথা বলা হয়েছে এবং ৮.২ উপধারায় প্রয়োজনে ব্যাগেজ রুল সংশোধনের কথা বলা হয়েছে। সোনার অনানুষ্ঠানিক আমদানি নিরুৎসাহিত করার ক্ষেত্রে ব্যাগেজ রুলের সংশোধন এখন সময়ের দাবি। তাই বাজুস অবিলম্বে ব্যাগেজ রুল সংশোধনের মাধ্যমে পর্যটক কর্তৃক সোনার বার আনা বন্ধ করা এবং ট্যাক্স ফ্রী সোনার অলংকারের ক্ষেত্রে ১০০ গ্রামের পরিবর্তে সর্বোচ্চ ৫০ গ্রাম করার প্রস্তাবনা করছে।



BANGLADESH JEWELLER'S ASSOCIATION

বাংলাদেশ জুয়েলার্স এসোসিয়েশন

প্রস্তাবনা-১৩

বৈধভাবে সোনার বার, সোনার অলংকার, সোনার কয়েন রপ্তানিতে উৎসাহিত করতে কমপক্ষে ২০ শতাংশ Value Addition করা শর্তে রপ্তানিকারকদের মোট Value Addition এর ৫০ শতাংশ আর্থিক প্রণোদনা দেওয়ার প্রস্তাব করছি।

বাংলাদেশের শিল্পীদের হাতে তৈরী সোনার অলংকার বিশ্বের বিভিন্ন দেশে জনপ্রিয়তার শীর্ষে থাকে। কিন্তু নানা ধরনের প্রতিবন্ধকতার কারণে সোনা শিল্প দেশের রপ্তানি খাতে যতটুকু অবদান থাকার কথা ছিলো তার সিকিভাগও হয়নি। তাই দেশের রপ্তানি খাতে সোনা শিল্পের অবদান বাড়াতে এই প্রণোদনা বড় ভূমিকা পালন করবে।

প্রস্তাবনা-১৪

H.S. Code ভিত্তিক অস্বাভাবিক গুন্ড হার সমূহ ত্রাস করে পার্শ্ববর্তী দেশসমূহের সাথে গুন্ড হার সমন্বয়সহ এসআরও সুবিধা প্রদান করার প্রস্তাব করছি।**

আমাদের H.S Code ভিত্তিক গুন্ড হার ও পার্শ্ববর্তী দেশ ভারতের গুন্ড হারের সাথে অনেক বড় ধরনের ব্যবধান বিদ্যমান। যার কারণে এইসব মেশিনারিজ ও কাঁচামাল আমদানির প্রাথমিক পর্যায়েই ব্যয় বেশি হয়ে যায়। তাই H.S. Code ভিত্তিক গুন্ড হার সমন্বয় করা গেলে প্রাথমিক পর্যায়েই ব্যয় অনেকাংশে কমানো সম্ভব হবে।

প্রস্তাবনা-১৫

মূল্য সংযোজন কর ও সম্পূরক গুন্ড আইন, ২০২২ ধারা-১২৬ক অর্থ আইন, ২০১৯ (২০১৯ সালের ১০নং আইন) এর ১০২ ধারাবলে, চোরাচালান প্রতিরোধ করতে গিয়ে কাস্টমস কর্তৃপক্ষ সহ সকল আইন প্রয়োগকারী সংস্থা সমূহের উদ্ধারকৃত সোনার মোট পরিমানের ২৫ শতাংশ উদ্ধারকারী সংস্থা সমূহের সদস্যদের পুরস্কার হিসেবে প্রদানের প্রস্তাব করছি।

বাজুস মনে করে- কোন দুষ্কৃতিকারী, চোরাকারবারী যাতে দেশবিরোধী ও অবৈধ কার্যক্রম পরিচালনা করতে না পারে সে লক্ষ্যে বিভিন্ন অভিযান পরিচালনা করা হয়। এ সব প্রতিষ্ঠানের কর্মকর্তাদের সাহসী হস্তক্ষেপের কারণে সোনা চোরাচালান কমানো অনেকাংশেই সম্ভব হচ্ছে। তাই সোনা চোরাচালান রোধে আইন প্রয়োগকারী সকল সংস্থার সদস্যগণের ভূমিকা আরো জোরদার করার লক্ষ্যে এই পুরস্কার প্রদান তাদেরকে আরো উৎসাহিত করবে।

পরিশেষে- সাংবাদিক বন্ধুদের ধন্যবাদ জানিয়ে আজকের সংবাদ সম্মেলনে উত্থাপিত বিষয়ের আলোকে প্রশ্নত্তোর পর্বে স্বাগত জানাচ্ছি। পাশাপাশি জুয়েলারি শিল্পের উন্নয়নের গণমাধ্যম বন্ধুদের সহযোগিতা কামনা করছি।

ধন্যবাদান্তে

আনোয়ার হোসেন

চেয়ারম্যান

বাজুস স্ট্যান্ডিং কমিটি অন ট্যারিফ এন্ড ট্যাক্সেশন

মোবাঃ ০১৭১৩-০০৯৭৯১

BANGLADESH JEWELLER'S ASSOCIATION

Level-19, Bashundhara City Shopping Complex

Panthapath, Dhaka-1215, Bangladesh.Tel: 02-58151012